

Zeitschrift: Igl Ischi : organ della Romania (Societat de Students Romontschs)
Band: 61 (1976)
Heft: 7

Vorwort: Remarcas redacziunalas

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 06.10.2024

ETH-Bibliothek Zürich, E-Periodica, <https://www.e-periodica.ch>

Remarcas redacziunalas

Egl Ischi semestril nr. 7 predomineschan las contribuziuns ella sparta da litteratura. Quei ei denton pli casual che vuliu.

Dr. Toni Berther, Cuera, sepresenta als lecturs cun la historietta CUN-FINS. Per el ei il scriver oravontut ina occupaziun pil temps liber. El ha gia publicau differents raquens, il pli per giuvenils. *Barclamiu Pelican* da Vrin sefatschenta plitost cun la poesia. Las treis poesias che nus vein tscherniu pigl Ischi semestril ein magari da tempra seriusa, melanconica e da fuorma tradiziunala. Dacuort ei *Barclamiu Pelican* vegnius presentaus en las *Brustgas*, nr. 3, Gasetta Romontscha dils 17-9-76. *Mariano Tschuor* da Rueun frequenta il gimnasi dalla scola claustrala a Mustér. Malgrad sia giuventetgna ha el gia scret in bionton, surtut per gasettas. La situaziun da partenza da sia historia IL GIUVEN DEFUNCT ei franc buca nova ella litteratura romontscha, M. Tschuor va cheu denton empau autras vias.

Dr. Iso Camartin, Mustér, vul cun siu artechel CRITICA LITTERARA ROMONTSCHA intimar da seprofundar els texts litterars per aschia saver re-tscheiver e dar vinavon impuls, enstagl da mo secuntentar cun classifica-zions stereotipas e surpridas. Iso Camartin ha dacuort publicau in impur-tont cudisch: Rätoromanische Gegenwartsliteratur in Graubünden. En in essai ha el tractau ina ovra da Marcus Defuns e quei magari criticamein.

Dr. Marcus Defuns, Tavau, s'exprima sez sur la critica davart sia historia. Iso Camartin vegn probabel a prender posiziun el proxim Ischi semestril. Lic. fil. *Cristian Collenberg*, Murissen/Nossadunnaun ei sefatschentaus en sia lavur da licenziat da rudien cun l'influenza tudestga sin la canzun populara romontscha. Cheu presenta el ina lavur pertuccont la recepziun d'ina canzun populara franzosa en tiara romontscha.

La part linguistica digl Ischi nr. 7 ei dedicata al bilinguisssem. Prof. dr. *Johannes Kramer* dall'Universitad da Cologna, in grond amitg ed enconu-schider dil romontsch, ha tractau en siu artechel specialmein il bilinguissem en Surselva. El mereta in special compliment per la curascha ch'el ha giu da scriver sez quel per romontsch.

Pieder Tuor, il grond iurist e promotur romontsch, ei naschius avon 100 onns. *Dr. Marcus Defuns* skizzescha veta ed ovra da quei eminent scien-ziat romontsch che mereta da restar en buna regurdientscha.

Sur *Feleci Maissen*, Cumbel, il nunstunclenteivel perscrutader dalla histo-ria, presenta quella gada in interessant priedi dil temps baroc e siu autur Crest Arpagaus. In'ulteriura lavur da tempra historica tracta il problem dils SCHUOBACHECLERS. Cand. fil. *Linus Bühler* da Domat, che stude-

gia historia all'Universitad da Turitg, ha resumau pigl Ischi semestril en in artechel illustrau sia lavur cumparida el Bündner Monatsblatt. – Era quest numer vegn terminaus dalla cronica e dalla gliesta da cudischs.

Per finir lessen nus puspei far attents ils lecturs che nus considereien igl Ischi semestril era sco forum da discussiun. Replicas e criticas ein pia beinvegnidas e san mo carschentar igl interess.